



**VILLABONAKO UDALAREN ETA EAE-KO ADMINISTRAZIO OROKORRA (ERNIOBEA BHI) HEZKUNTZA ERAKUNDEAREN ARTEKO LANKIDETZA HITZARMENA**

Villabona, 2024ko azaroaren 28a

**BILDURIK**

Batetik, BEATRIZ UNZUE ESNAOLA andrea, Villabonako Alkate andrea.

Bestetik, IÑURRATEGI GARATE AINHOA jaun/anderea, adinduna. Ondorio hauetako helbidea: OTELARRE AUZOA 35, 20150 VILLABONA; eta Nortasun Agiria: 72489651E ERNIOBEA BHI Hezkuntza Erakundearen ordezkaria.

Ni, MIKEL VON WICHMANN PAVLETICH jauna, Villabonako Udaleko Idazkaria, aurrean nagoela.

**PARTE-HARTZAILEAK**

BEATRIZ UNZUE ESNAOLA, Villabonako Udalaren izenean eta ordezkaritzan (Erreboteko Plaza z/g; IFK: P2008100F), Alkate gisa esku hartu du, eta Tokiko Gobernu Batzarrak 2024ko azaroaren 27an hartutako erabakiaren bidez eman zaio egintza honetarako ahalmena.

IÑURRATEGI GARATE AINHOA jaun/anderea, ERNIOBEA BHI Hezkuntza Erakundearen izenean eta ordezkari gisa. ERNIOBEA BHI Hezkuntza Erakundearen helbidea OTELARRE AUZOA 35, 20150 VILLABONA da, eta bere IFK S4833001C. IÑURRATEGI GARATE AINHOA jaunak/andereak Hezkuntza Erakundearen ordezkari gisa hartu du parte, eta, ondorioz, bera da Hezkuntza Erakundearen legezko ordezkaria.

Bi alderdiek dokumentu hau egiteko gaitasuna aitortu diote elkarri, eta xede horrekin honako hau

**ADIERAZTEN DUTE**

1. EAE-KO ADMINISTRAZIO OROKORRA (ERNIOBEA BHI) Hezkuntza Erakundea (aurrerantzean Hezkuntza Erakundea), bere Estatutuen arabera, xedetzat duela
2. Hezkuntza Erakundeak ondorengo jarduerak eraman nahi dituela aurrera Villabonako udalerrian:
  - Haur eta nerabeen babesaren eta ongizatearen alorrera zuzendutako kanpainak, hitzaldiak, ikastaroak, proiektuak, programak eta tailerrak. Jarduera horiek honako jardun-arlo hauek kontuan hartuta egingo dira, besteak beste: prebentzioa, sentsibilizazioa, kontzientziazioa, prestakuntza, trebakuntza, hezkidetza, bizikidetza eta elkartasuna.
3. Toki Araubidearen Oinarriak arautzen dituen 7/1985 Legearen 25. artikulua eta Euskadiko Toki Erakundeei buruzko apirilaren 7ko 2/2016 Legearen 7. artikulua arabera udalerrii dagozkien eskumenen artean, honako hauek daude:
  - Kirola, kirol-instalazioak eta aisialdirako instalazioak sustatzea.
  - Kultura eta kultura-ekipamenduak sustatzea.
  - Euskararen erabilera eta normalizazioa sustatzea.
  - Hiri-ingurumena
  - Gizarte-beharrizaneko egoeren ebaluazioa eta informazioa, eta gizarte-bazterkeriako egoeran edo arriskuan dauden pertsonentzako berehalako arreta



Horrekin batera, Euskadiko Toki Erakundeei buruzko Legearen 16. artikulua adierazten du udalerriek jarduerak, zerbitzuak edo prestazioak garatu ahal izango dituztela, baldin eta jarduera, zerbitzu edo prestazio horiek, transferitutako edo eskuordetutako eskumen propioen eremuaren barruan egon gabe, herritarren bizi-kalitatea hobetzea dakarren eta komunitatearen edozein premia edo interes asetzen duen edozein jarduera-eremu antolatu eta kudeatzera bideratuta badaude.

4. Hezkuntza Erakundeak irabazi asmorik ez duenez, jarduera egitean ezingo du diru-irabazirik izan.
5. Jarduerak/ek ez du/te kontratu izaerarik bere edukia ez delako Sektore Publikoaren Kontratuen Legeak araututako kontratuetan sartzen. Azaroaren 8ko 9/2017 Sektore Publikoko Kontratuei buruzko Legearen 6.2 artikulua bere aplikazio eremutik kanpo uzten ditu *“Administrazioak zuzenbide pribatuari lotutako pertsona fisiko edo juridikoekin egindako lankidetzak hitzarmenak, berariazko erregulazio arauen arabera egindakoak hain zuzen, betiere horien helburua ez bada jasotzen Lege honetan edo arau administratibo berezietan araututako kontratuetan”*.

Agertutako alderdiek interes berbera dutenez, lankidetzak-hitzarmen hau sinatu dute, ondoko klausula hauei jarraituz:

## KLAUSULAK

### 1. Xedea

Lankidetzak hitzarmen honen xedea da Villabonako Udalaren eta Hezkuntza Erakundearen arteko lankidetzarako baldintzak ezartzea.

### 2. Hitzarmenaren xede diren jarduerak

Hezkuntza Erakundea eta Villabonako Udalaren arteko elkarlana, nagusiki jarduera hauetan zehaztuko da:

- Haur eta nerabeen babesaren eta ongizatearen alorrera zuzendutako kanpainak, hitzaldiak, ikastaroak, proiektuak, programak eta tailerrak. Jarduera horiek honako jardun-arlo hauek kontuan hartuta egingo dira, besteak beste: prebentzioa, sentsibilizazioa, kontzientziazioa, prestakuntza, trebakuntza, hezikidetzak, bizikidetzak eta elkartasuna.

Jarduerak ondorengo baldintzetan eramango dira aurrera:

- a) Jarduerak antolatzekeo ardura osoa euren sustatzailearena da, kasu honetan Hezkuntza Erakundearena, eta hori antolatzean, aplikagarri den araudian aurreikusitako baldintzak guztiak eta beharrezko baimen guztiak (Villabonako Udalaren eta bestelako erakundearen - Gipuzkoako Foru Aldundia, Eusko Jaurlaritza, etab.) betetzeko betebeharra du.
- b) Ekitaldi horien antolaketak dakartzan lan eta gestioak osotasunean Hezkuntza Erakundearen esku geratuko dira.
- c) Hezkuntza Erakundeak bere emanaldiak iragartzeko erabiltzen dituen euskarrietan Villabonako Udalaren aipamena egingo da.
- d) Hezkuntza Erakundearen lankidetzak Villabonako Udaleko Gizarte Zerbitzuetako sailak ikuskatuko du.

### 3. Dirulaguntza

Villabonako Udalak diruz lagunduko du Hezkuntza Erakundea hitzarmen honetan zehaztutako jarduerak garatzeko.

Hitzarmena sinatzen den urtean, dirulaguntzaren zenbatekoa 1.000 €-koa izango da 0200.481.231.00.01 aurrekontu partidaren kargura. Hurrengo ekitaldietan dirulaguntza emateko baldintza izango da Villabonako Udaleko dirulaguntzen plan estrategikoan jasota egotea, eta udal-aurrekontuetan dirulaguntza izenduna esleitzea eta dirulaguntza emateko baldintzak betetzea.

**Hezkuntza Erakundeak aurreko urtean jasotako dirulaguntza aldatzeko eskaera egin nahi**



**izango balu**, hurrengo urteko **jardueren eta diru-sarrera/gastuen aurreikuspena** aurkeztu beharko du **irailaren 15a baino lehen** (Udalak horretarako prestatutako inprimakien bidez).

#### 4. Ordainketa mota

Udalak konpromisoa hartzen du onartutako dirulaguntzaren % 90a gehienez ere hilabeteko epean ordaintzeko, hitzarmen hau sinatzen denetik zenbatzen hasita, hitzarmenaren indarraldiko lehen urtean.

Hurrengo urteetarako, % 90a ordaintzeko, udal-aurrekontuak behin betiko onartuta egon beharko dira. Behin aurrekontuak onartuta, Udalak ordainketa egingo du urte bakoitzeko apirilaren 30a baino lehen.

Gainerako % 10a erakunde onuradunak emandako funtsen erabilera hitzarmenaren termino eta baldintzen arabera behar bezala justifikatu ondoren eta Udalak justifikazioa balioztatu ondoren ordainduko da, gehienez ere bi hilabeteko epean justifikazioa jasotzen den egunetik zenbatzen hasita. Hezkuntza Erakundeak dirulaguntzaren justifikazioa **otsailaren 15a baino lehen** aurkeztu beharko du

Justifikazio-memoriak honako hauek jaso beharko ditu: dirulaguntzaren xede diren jardueren deskribapen zehatza, lortutako estaldura (artatutako pertsona kopurua, emakumeak, gizonak, adina, erabilitako hizkuntza...) eta lortutako emaitzen ebaluazioa.

Memoriak jarduera osoaren balantze ekonomikoa (gastuak eta diru-sarrerak) jasoko ditu, eta diruz lagundutako jardueren gastu guztiaren egiaztagiriak ere, horien zerrenda xehatuarekin batera.

Gastuen egiaztagiriak: fakturak eta merkataritzako trafiko juridikoan balioa duten edo eraginkortasun administratiboa duten froga-balio baliokidea duten gainerako dokumentuak, diruz lagundutako jarduera gauzatzearen ondoriozko gastuei eta sarrerei dagozkienak.

Faktura edo dokumentu baliogabe oro ez da kontuan hartuko jasotako dirulaguntza justifikatzeko orduan.

Dirulaguntza hau, xede bererako beste dirulaguntza, sarrera edo baliabiderikiko bateragarria izango da, aipatu dirulaguntzen arautegi erregulatzailerak ezar lezakeena kaltetu gabe. Dena den, emandako dirulaguntzaren zenbatekoak ezin izango du inolaz ere diruz lagundutako jardueraren kostua gainditu, ez berak bakarrik ezta beste dirulaguntza, sarrera edo baliabideri gehituta ere.

#### 5. Zeharkako gaiak

Emakumeen eta Gizonen berdintasunerako Legea bigarren aldiz aldatzen duen martxoaren 3ko 1/2022 Legean xedatutakoa bete beharko da, bereziki 4. artikuluan (printzipio orokorrak betetzeari buruzkoa), 17. artikuluan (estatistikak eta azterlanak egokitzei buruzkoa), 19. artikuluan (edozein euskarritan hizkera sexista ez erabiltzei buruzkoa) eta 24. artikuluan (zuzendaritza-organoetan eta kide anitzeko organoetan gaikuntza, gaitasun eta prestakuntza egokia duten emakumeen eta gizonen presentzia orekatuari buruzkoa).

Erabilitako dokumentazio guztian (programa aurkezteko idazkiak, testuak, galdetegia, txostenak, etab.) hizkera ez-sexistaren irizpideak aplikatu beharko dira.

Halaber, Villabonako Udalak Euskararen Erabilera Normalizatzeko Planean onartuta dituen irizpideak bete beharko dira.

#### 6. Hizkuntza irizpideak

Udalak beste entitate publiko edota pribatu batzuekin hitzarmenak sinatu ahal izango ditu, euskararen ikaskuntza eta erabilera bultzatzeko.

Udalak pertsona fisiko eta juridikoekin sinatzen dituzten hitzarmenak euskaraz idatziko dira.

Hitzarmenaren edukia nolakoa den, euskara sustatzeko eta herritarren eskubideak babesteko hizkuntza klausulak sartuko dira.

Diruz lagundutako jarduerak berekin dakarrenean herritar-multzo zehaztugabe batekin zuzeneko



harremana edukitzea, euskararen erabilera bermatuko da.

Diruz lagundutako jardueran komunikazioak edo argitalpenak egin behar direnean, euskaraz egingo dira.

Dirulaguntza jasotzen duen ekintzatik eratorri daitekeen hitzaldi edo antzekoren bat antolatzen bada, euskaraz izango da, arrazoitutako salbuespenak izan ezik, —hizlaria euskalduna ez balitz, laguntzaile euskaldun bat behintzat egotea—hizkuntza eskubideak errespetatu daitezken.

Haur eta gazteentzako egiten diren jarduerak euskaraz egingo dira beti.

Haur eta gazteekin aritzen diren hezitzaileei Udalak formazio soziolinguistikoa emango die, eta Udalaren irizpideak jakinaraziko zaizkie.

## **7. Villabonako tokiko merkataritzari laguntzeko gomendioa**

Dirulaguntza honen erakunde onuradunari gomendatzen zaio bere jarduerak gauzatzeko beharrezkoak dituen ondasun eta zerbitzuen erosketak, ahal dela, Villabonako establezimenduetan egitea. Ekintza honen helburua tokiko merkataritza hazten eta indartzen laguntzea da, komunitatearen garapen ekonomiko eta sozialean lagunduz.

## **8. Jarraipen batzordea**

Hitzarmenaren eta sinatzaileek hartutako konpromisoen jarraipena egiteko batzorde bat eratuko da.

Batzorde horrek hitzarmenaren inguruan sor daitezkeen interpretazio eta betetze arazoak konpontzeko ditu, eta hitzartutako jarduera bakoitza eta alderdiek hartutako gainerako betebeharrak betetzen diren ebaluatuko du.

## **9. Auziak**

Hitzarmen hau garatzean alderdien artean auziren bat sortuz gero, aurreko klausulan ezarritakoa eragozpen izan gabe, administrazioarekiko auzien jurisdikzio bidez ebaztzeko dira.

## **10. Ez-betetzeak**

Hezkuntza Erakundeak ez baditu betetzen lankidetzaren hitzarmen honetan bere gain hartutako obligazio eta konpromisoak, itzuli egin beharko du jasotako dirua, dena edo zati bat, edo ez zaizkio dagozkion zenbatekoak ordainduko. Itzuli beharrekoa ez-betetzearen larritasunaren arabera izango da.

Hitzarmen honetan ezarritakoa ez betetzeak, edo jasotako kopuruak dirulaguntza ematea eragin zuten helburuak ez diren beste batzuk betetzeko erabiltzeak berekin ekarri ahal izango du, kasuan kasuko espedienteak izapidetu ondoren, emandako dirulaguntza galtzea, eta jasotako zenbatekoak gehi dagozkien legezko interesak Villabonako Udalarik itzuli behar izatea, azaroaren 17ko 38/2003 Dirulaguntzen Legearen 41. eta 42. artikuluek eta horren araudia onartzen duen uztailaren 21eko 887/2006 Errege Dekretuaren 91., 92. eta 93. artikuluek ezarritakoari kalterik egin gabe.

## **11. Indarraldia**

Hitzarmen honen indarraldia 4 urtekoa izango da, sinatzen denetik kontatzen hasita. Edozein unetan, paragrafo honetan aurreikusitako epea amaitu baino lehen, hitzarmeneko alderdiek aho batez erabaki ahal izango dute hitzarmena luzatzea, gehienez beste lau urtez, edo hitzarmena iraungitzea.

Eta bi alderdiak ados daudela erakusteko, hitzarmen hau sinatu dute, bi aletan, goiburuan adierazitako egunean eta tokian.



AMASA-VILLABONA  
Villabonako Udala

VILLABONAKO UDALEKO ALKATEAK,

HEZKUNTZA ERAKUNDEAREN ORDEZKARIAK,

---

Izpta.: BEATRIZ UNZUE ESNAOLA

---

Izpta.: IÑURRATEGI GARATE AINHOA

VILLABONAKO UDALEKO  
IDAZKARIAK

---

Izpta.: MIKEL VON WICHMANN PAVLETICH

